

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r predsjedavajućeg Skupštine Kantona Sarajevo

Uputiti: Ministarstvu zdravstva Kantona Sarajevo, JU Dom zdravlja Kantona Sarajevo

PREDMET: Zastupnička pitanja

Poštovani,

U skladu sa Poslovníkom Skupštine Kantona Sarajevo, upućujem sljedeća zastupnička pitanja:

1. Zbog čega i po čijem nalogu je u posljednja tri mjeseca obustavljena isplata naknada za mentorstva u JU Dom zdravlja Kantona Sarajevo?

Mentorski rad predstavlja izuzetno važan segment zdravstvenog sistema jer podrazumijeva dodatni profesionalni angažman, prenošenje znanja, edukaciju mladih kadrova i osiguravanje kvaliteta buduće zdravstvene zaštite. Mentori, pored redovnih radnih obaveza, preuzimaju odgovornost za stručno usmjeravanje pripravnika i specijalizanata, što zahtijeva dodatno vrijeme, energiju i stručni nadzor.

Eventualna obustava isplate naknada za mentorstva može imati negativne posljedice po motivaciju zdravstvenih radnika, kvalitet edukacije i dugoročno funkcionisanje sistema. Zbog toga je neophodno jasno utvrditi ko je donio takvu odluku, na osnovu kojeg pravnog akta i da li je ista utemeljena na važećim propisima i finansijskim planovima ustanove.

2. Po čijem nalogu i na osnovu kojeg pravnog akta su postavljene kamere u Domu zdravlja Vogošća, posebno u čekaonicama Centra za mentalno zdravlje?

Zaštita ličnih podataka, privatnosti pacijenata i povjerljivosti zdravstvenih informacija predstavlja temelj zdravstvenog sistema. Ovo je naročito osjetljivo u ustanovama i službama koje se bave mentalnim zdravljem, gdje pacijenti pripadaju posebno ranjivoj kategoriji i gdje je diskrecija od presudnog značaja.

Uvođenje videonadzora u takvim prostorima mora biti zasnovano na jasnom pravnom osnovu, uz prethodno definisane procedure, procjene opravdanosti, mjere zaštite podataka i transparentno informisanje korisnika usluga i zaposlenih.

Stoga je potrebno utvrditi ko je odobrio postavljanje kamera, da li je provedena analiza usklađenosti sa propisima o zaštiti ličnih podataka, te na koji način se garantuje sigurnost i dostojanstvo pacijenata.

Molim da se odgovori dostave u zakonom predviđenom roku, uz precizno navođenje pravnog osnova i eventualnih internih odluka na koje se pozivate.

S poštovanjem,

Sebija Izetbegović

